



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՎԱՐՈՒՅԹԻ ԱՌԱՐԿԱՅԱԿԱՆ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

6 նոյեմբերի 2025 թվական

ք.Երևան

ՀՀ Վճռաբեկ դատարանի նախագահ Լիլիթ Թադևոսյանս, ՀՀ Վճռաբեկ դատարանի քրեական պալատի նախագահ Համլետ Ասատրյանս, ՀՀ Վճռաբեկ դատարանի հակակոռուպցիոն պալատի նախագահ Արթուր Դավթյանս, ուսումնասիրելով թիվ ԵԴՆ/1691/01/25 (ՀԿԴ/0277/01/25) քրեական վարույթի ընդդատության հարցը լուծելու համար ՀՀ Վճռաբեկ դատարանի նախագահին ուղարկելու մասին Հակակոռուպցիոն դատարանի՝ 2025 թվականի հոկտեմբերի 15-ի որոշումը,

Պ Ա Ր Զ Ե Ց Ի Ն Ք

Վարույթի դատավարական նախապատմությունը.

1. 2025 թվականի մայիսի 14-ին Երևան քաղաքի առաջին ատյանի ընդհանուր իրավասության քրեական դատարանում ստացվել է Ֆարիս Ջալելի Ալ-Մաշտայի վերաբերյալ՝ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգրք) 178-րդ հոդվածի 3-րդ մասի 1-ին կետով և 325-րդ հոդվածի 2-րդ մասով թիվ 69117925 (ԵԴՆ/1691/01/25) քրեական վարույթը:

1.1. Երևան քաղաքի առաջին ատյանի ընդհանուր իրավասության քրեական դատարանը (դատավոր Ս.Գոգոյան) 2025 թվականի մայիսի 16-ին որոշում է կայացրել թիվ ԵԴ1/1691/01/25 քրեական վարույթը ստանձնելու և նախնական դատախոսներ նշանակելու մասին:

2. Երևան քաղաքի առաջին ատյանի ընդհանուր իրավասության քրեական դատարանը, 2025 թվականի հոկտեմբերի 8-ին՝ նախնական դատախոսների ընթացքում, որոշում է կայացրել թիվ ԵԴ1/1691/01/25 քրեական վարույթն ըստ առարկայական ընդդատության Հակակոռուպցիոն դատարան ուղարկելու մասին:

3. Հակակոռուպցիոն դատարանը (դատավոր Վ.Ստեփանյան) 2025 թվականի հոկտեմբերի 15-ին որոշում է կայացրել թիվ ՀԿԴ/0277/01/25 (ԵԴ1/1691/01/25) քրեական վարույթը Վճռաբեկ դատարանի նախագահին ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2025 թվականի հոկտեմբերի 27-ին:

Ընդդատության հարցը լուծելու համար էական նշանակություն ունեցող փաստական հանգամանքները.

5. Ֆարիս Զալեյի Ալ-Մաշտայի նկատմամբ ՀՀ քրեական օրենսգրքի 178-րդ հոդվածի 3-րդ մասի 1-ին կետով և 325-րդ հոդվածի 2-րդ մասով հանրային քրեական հետապնդում է հարուցվել հանրորեն վտանգավոր այն արարքի համար, որ նա «(...) *[Մ]ի խումբ անձանց հետ նախնական համաձայնությամբ, իրավունք վերապահող պաշտոնական փաստաթղթեր կեղծելով և դրանք օգտագործելով, խարդախությամբ հափշտակել է «Հայրիզնեսքանկ» ՓԲ ընկերության (այսուհետ՝ նաև՝ Բանկ) ստանձնապես խոշոր չափերով գույքը:*

Այսպես.

Կ.Խ-ն, Բանկի վարչության նախագահի՝ 2008 թվականի հուլիսի 8-ի թիվ Կ 359-Ա հրամանի հիման վրա զբաղեցնելով հիշյալ ընկերության պլաստիկ քարտերի վարչության պերի պաշտոնը և ի պաշտոնե տեղեկացված լինելով, որ սեփական պրոցեսինգային կենտրոնը հիմնելու և դրա սպասարկումն իրականացնելու համար Բանկը 2011 թվականից սկսած համագործակցում է Ռուսաստանի Դաշնության

Մոսկվա քաղաքում գրանցված «ԲՊՑ քանկային տեխնոլոգիաներ» ՍՊ ընկերության հետ, մասնավորապես՝ համագործակցության շրջանակներում Բանկի և «ԲՊՑ քանկային տեխնոլոգիաներ» ՍՊ ընկերության միջև կնքվել են մի շարք պայմանագրեր, և վերջին ընկերությունը կատարում է իր պայմանագրային պարտավորությունները՝ նպատակադրվել է նույնաբնույթ պրոդուկտների ձեռքբերման և ծառայությունների մատուցման պատրվակով, իրավունք վերապահող ակնհայտ կեղծ փաստաթղթեր կազմելու և օգտագործելու միջոցով, խարդախությամբ Բանկից առանձնապես խոշոր չափերի գումար հափշտակել, ինչի կապակցությամբ նախնական համաձայնություն է ձեռք բերել «ԲՊՑ քանկային տեխնոլոգիաներ» ՍՊ ընկերության աշխատակից Ֆարիս Ալ-Մաշտրայի և ՌԴ Ոլյանովսկ քաղաքում հիմնադրված «Ագաթ» ՍՊ ընկերության գլխավոր տնօրեն Վ.Վ-ի հետ:

Այնուհետև՝ 2014 թվականի մարտի 20-ին, Կ.Խ-ն իր աշխատանքային էլեկտրոնային փոստով Բանկի աշխատակիցներին ներկայացրել է Բանկի վարչության նախագահ Ա.Մ-ին հասցեագրված՝ «Վարկային մոդուլի ձեռքբերման վերաբերյալ» զեկուցագրի նախագիծը, համաձայն որի՝ Բանկը «ԲՊՑ քանկային տեխնոլոգիաներ» ՍՊ ընկերությունից 80.000 ԱՄՆ դոլարով (ներառյալ՝ տեղադրման աշխատանքները) պետք է ձեռք բերեր հիշյալ մոդուլը:

Դրանից հետո, նախապես ծագած հանցավոր մտադրությունն իրականացնելու և Բանկին մոլորության մեջ գցելու նպատակով Ֆարիս Ալ-Մաշտրան և Կ.Խ-ն վերջինիս աշխատանքային էլեկտրոնային փոստով, որը կարող էր վերահսկվել Բանկի կողմից, 2015 թվականի մարտից սկսած իրականությանը չհամապատասխանող նամակագրություն են վարել այն մասին, իբրև թե ձեռքբերվող վարկային մոդուլի տեղադրման աշխատանքներն իրականացնելու է «ԲՊՑ քանկային տեխնոլոգիաներ» ՍՊ ընկերության դուստր ընկերություն հանդիսացող «Ագաթ» ՍՊ ընկերությունը: Միաժամանակ, Ֆարիս Ալ-Մաշտրան և Կ.Խ-ն նամակագրությամբ քննարկել են Բանկի և «Ագաթ» ՍՊ ընկերության միջև պայմանագրեր կնքելու պայմանները: Ավելին՝ Ֆարիս Ալ-Մաշտրան 2015 թվականի մարտի 13-ին էլեկտրոնային փոստով քանկի աշխատակից Խ.Մ-ին տեղեկացրել է, որ «Ագաթ» ՍՊ ընկերությունն իբրև թե հանդիսանում է «ԲՊՑ քանկային

տեխնոլոգիաներ» ընկերության դուստր ընկերությունը: Այդ ամենի արդյունքում կասկածի տակ չառնելով պայմանագրերի կնքման անհրաժեշտությունը և հիմք ընդունելով դրանց կապակցությամբ Կ.Խ-ի նեղ մասնագիտական հիմնավորումները՝ Բանկի վարչության նախագահի կողմից հրահանգվել է սկսել «Ագաթ» ՍՊ ընկերության հետ կնքվող պայմանագրերի նախագծերի մշակման գործընթացը, ինչին, որպես նախաձեռնող, մասնակցություն է ունեցել նաև Կ.Խ-ն՝ ստանալով պայմանագրերում բովանդակությամբ կեղծ տեղեկություններ ներառելու հնարավորություն:

Դրանից հետո՝ 2015 թվականի մայիսի 22-ին, Բանկի և «ԲՊՑ բանկային տեխնոլոգիաներ» ՍՊ ընկերության միջև կնքվել է պայմանագիր՝ «SV-BOM-CRD Smart Vista Credit Card Modul»-ի ներդրման և կարգաբերման աշխատանքների կատարման վերաբերյալ, ինչի կապակցությամբ Բանկի կողմից «ԲՊՑ բանկային տեխնոլոգիաներ» ՍՊ ընկերությանը 2015 թվականի հուլիսի 8-ին և 2016 թվականի հունվարի 14-ին վճարվել է ընդհանուր 12.030.150 ՀՀ դրամին համարժեք 25.000 ԱՄՆ դոլար: Նույն օրը նույն աշխատանքները կատարելու համար մեկ այլ պայմանագիր է կնքվել Բանկի և «Ագաթ» ՍՊ ընկերության միջև, ինչի համար վերջին ընկերությանը բանկային փոխանցմամբ 2015 թվականի հուլիսի 8-ին և նոյեմբերի 19-ին վճարվել է ընդհանուր 81.418.232.6 ՀՀ դրամին համարժեք 170.000 ԱՄՆ դոլար: «Ագաթ» ՍՊ ընկերության հետ կնքված պայմանագիրը վերջին ընկերության անունից ստորագրել է ընկերության գլխավոր տնօրեն Վ.Վ-ն, ինչպես նաև պայմանագիրը կնքվել է «Ագաթ» ՍՊ ընկերության կնիքով: Հիշատակված երկու պայմանագրերի առարկաներն, ըստ էության, հանդիսացել են ծրագրային մոդուլների տեղադրման և կարգաբերման աշխատանքները, որոնք փաստացի ամբողջ ծավալով կատարվել են «ԲՊՑ բանկային տեխնոլոգիաներ» ՍՊ ընկերության կողմից, իսկ «Ագաթ» ՍՊ ընկերության հետ իրավաբանական նշանակություն ունեցող փաստ հավաստող և իրավունք վերապահող բովանդակությամբ ակնհայտ կեղծ պայմանագրի կնքումը և օգտագործումը հանդիսացել է միջոց՝ Բանկից առանձնապես խոշոր չափերի գումար հափշտակելու համար և այդ պայմանագրի շրջանակներում «Ագաթ» ՍՊ ընկերության կողմից որևէ աշխատանք չի կատարվել: Ընդ որում՝ Բանկին մոլորության մեջ գցելու,

կատարվածի կապակցությամբ կասկածներ չառաջացնելու և հետագայում բացահայտվելու հավանականությունը նվազեցնելու համար «Ագաթ» ՍՊ ընկերության հետ կնքված ակնհայտ կեղծ պայմանագրում պայմանագրի առարկաները նկարագրելիս օգտագործվել են «ԲՊՑ բանկային տեխնոլոգիաներ» ՍՊ ընկերության հետ կնքված պայմանագրում օգտագործված՝ մատուցվող ծառայությունները և կատարվող աշխատանքները նկարագրող բառերի հոմանիշները: 2015 թվականի նոյեմբերի 16-ին «Ագաթ» ընկերության և Բանկի միջև կազմվել է աշխատանքներն ամբողջ ծավալով կատարված լինելու վերաբերյալ իրավունք վերապահող հանձնման-ընդունման թիվ 11/16-1 ակնհայտ կեղծ ակտը, որը Բանկի անունից ստորագրել է ԿԽ-ն, իսկ «Ագաթ» ՍՊ ընկերության անունից ստորագրել է ընկերության գլխավոր տնօրեն Վ.Վ-ն, ինչպես նաև ակտը կնիքվել է «Ագաթ» ՍՊ ընկերության կնիքով, որը հանդիսացել և օգտագործվել է որպես միջոց՝ Բանկից առանձնապես խոշոր չափերի գումար հափշտակելու համար:

Նույն հանցավոր մեղադրության շրջանակներում 2015 թվականի դեկտեմբերի 21-ին Բանկի և «Ագաթ» ՍՊ ընկերության միջև կնքվել է մեկ այլ իրավաբանական նշանակություն ունեցող փաստ հավաստող և իրավունք վերապահող քովանդակությամբ ակնհայտ կեղծ պայմանագիր՝ «Visa international և Master Card Worldwide»-ի սերտիֆիկացիաների նախապատրաստման և համապատասխանեցման աշխատանքների իրականացման վերաբերյալ, ինչի կապակցությամբ Բանկի կողմից «Ագաթ» ՍՊ ընկերությանը բանկային փոխանցմամբ 2016 թվականի փետրվարի 8-ին և ապրիլի 26-ին վճարվել է ընդհանուր 122.972.953 ՀՀ դրամին համարժեք 250.000 ԱՄՆ դոլար: «Ագաթ» ՍՊ ընկերության հետ կնքված պայմանագիրը՝ հիշյալ ընկերության անունից ստորագրել է ընկերության գլխավոր տնօրեն Վ.Վ-ն, ինչպես նաև պայմանագիրը կնիքվել է «Ագաթ» ՍՊ ընկերության կնիքով:

2015 թվականի դեկտեմբերի 24-ին Բանկի և «ԲՊՑ բանկային տեխնոլոգիաներ» ՍՊ ընկերության միջև կնքվել է պայմանագիր՝ «ECOMMERCE»-ի և «YOUPAY»-ի հետ ինտեգրման, ներդրման, կարգաբերման և տեղայնացման աշխատանքների կատարման վերաբերյալ, ինչի կապակցությամբ նշված ընկերությանը 2016 թվականի հոկտեմբերի 6-ին վճարվել է 33.170.200 ՀՀ դրամին համարժեք 70.000

ԱՄՆ դոլար: Հիշարժան էր կու պայմանագրի առարկաներն, ըստ էության, հանդիսացել են հաշվողական տեխնիկայի ծրագրային միջոցների և տեղեկատվական պրոդուկտի ադապտացիան ու մոդիֆիկացիան, որը փաստացի կատարվել է «ԲՊՑ քանկային տեխնոլոգիաներ» ՍՊ ընկերության կողմից, իսկ «Ագաթ» ՍՊ ընկերության կողմից որևէ աշխատանք չի կատարվել, փոխարենը «Ագաթ» ՍՊ ընկերության հետ 2015 թվականի դեկտեմբերի 21-ին կնքված և օգտագործված՝ իրավաբանական նշանակություն ունեցող փաստ հավաստող և իրավունք վերապահող բովանդակությամբ ակնհայտ կեղծ պայմանագիրը միջոց է հանդիսացել Բանկից առանձնապես խոշոր չափերի գումար հափշտակելու համար: Այս դեպքում ևս Բանկին մոլորության մեջ գցելու, կատարվածի կապակցությամբ կասկածներ չառաջացնելու և հետագայում բացահայտվելու հավանականությունը նվազեցնելու համար հիշարժան էր կու պայմանագրում պայմանագրերի առարկաները նկարագրվել են հոմանիշ բառերով, բացի այդ, որպես հավելյալ աշխատանք՝ ձևականորեն նշվել է, որ «Ագաթ» ՍՊ ընկերությունը «Visa international և Master Card Worldwide» միջազգային վճարային համակարգերում հավաստագրում անցնելու համար իրականացնելու է նաև հարմարեցման աշխատանքներ, որոնք նույնպես փաստացի չի իրականացրել: 2016 թվականի ապրիլի 15-ին «Ագաթ» ընկերության և Բանկի միջև կազմվել է աշխատանքներն ամբողջ ծավալով կատարված լինելու վերաբերյալ իրավունք վերապահող հանձնման-ընդունման ակնհայտ կեղծ, առանց թվագրման ակտ, որը Բանկի անունից ստորագրել է Կ.Խ-ն, իսկ «Ագաթ» ՍՊ ընկերության անունից ստորագրել է ընկերության գլխավոր տնօրեն Վ.Վ-ն, ինչպես նաև ակտը կնիքվել է «Ագաթ» ՍՊ ընկերության կնիքով, որը հանդիսացել և օգտագործվել է որպես միջոց՝ Բանկից առանձնապես խոշոր չափերի գումար հափշտակելու համար:

Նկարագրված խարդախության արդյունքում Ֆարիս Զալելի Ալ-Մաշրան, Կ.Խ-ի և Վ.Վ-ի հետ նախնական համաձայնությամբ, մեկ միասնական դիրավորությամբ, Բանկից հափշտակել է առանձնապես խոշոր չափերի՝ ընդհանուր 204.391.185.6 (երկու հարյուր չորս միլիոն երեք հարյուր ինսուսնամեկ հազար հարյուր ութսունհինգ

ՀՀ դրամ, 6 լումա) ՀՀ դրամին համարժեք 420.000 (չորս հարյուր քսան հազար) ԱՄՆ դոլար (...)»¹:

6. Երևան քաղաքի առաջին ատյանի ընդհանուր իրավասության քրեական դատարանը 2025 թվականի հոկտեմբերի 8-ի որոշմամբ արձանագրել է հետևյալը. «(...) Նախնական դատալսումների ընթացքում մեղադրողը հայտնեց, որ ՀՀ Վճռաբեկ դատարանի կողմից 2025 թվականի հուլիսի 14-ին կայացվել է որոշում՝ Վարույթի առարկայական ընդդատության հարցը լուծելու մասին, որով քննարկման առարկա է դարձրել նույնանման փաստական հանգամանքներով գործը քննող դատարանի տիրույթի հարցը և արձանագրել, որ գործը ընդդատյա է Հակակոռուպցիոն դատարանին:

Միաժամանակ թե՛ պաշտպանական կողմը, և թե՛ մեղադրանքի կողմը որևէ առարկություն չհայտնեցին գործն ըստ ընդդատության Հակակոռուպցիոն դատարան ուղարկելու մասին:

(...)

2023 թվականի մայիսի 29-ին ՀՀ նախկին քրեական օրենսգրքի 214-րդ հոդվածի 2-րդ մասով, 38-214-րդ հոդվածի 2-րդ մասով, 178-րդ հոդվածի 3-րդ մասի 1-ին կետով, 325-րդ հոդվածի 2-րդ մասով, ՀՀ նախկին քրեական օրենսգրքի 178-րդ հոդվածի 3-րդ մասի 1-ին կետով, 325-րդ հոդվածի 2-րդ մասով նախաձեռնվել է թիվ 69114823 քրեական վարույթը, որը նույն օրը միացվել է թիվ 58218118 քրեական վարույթին և նախաքննությունը շարունակվել է թիվ 58218118 համարով:

Նախաքննության մարմնի 2023 թվականի հուլիսի 24-ի որոշմամբ թիվ 58218118 քրեական վարույթից անջարվել է Կ.Խ-ի կողմից 3 դրվագ ՀՀ նախկին քրեական օրենսգրքի 178-րդ հոդվածի 3-րդ մասի 1-ին կետով, ՀՀ նախկին քրեական օրենսգրքի 190-րդ հոդվածի 3-րդ մասի 1-ին կետով, 214-րդ հոդվածի 2-րդ մասով, 325-րդ հոդվածի 2-րդ մասով, և Ն.Ս-ի կողմից ՀՀ նախկին քրեական օրենսգրքի 178-րդ հոդվածի 3-րդ մասի 1-ին կետով և 325-րդ հոդվածի 2-րդ մասով նախատեսված առերևույթ հանցանքներ կատարելու վերաբերյալ վարույթը: Անջարված վարույթին շնորհվել է 69122723 համարը:

¹ Տե՛ս քրեական վարույթ, հատոր 58, թերթեր 147-151:

Նախաքննության մարմնի 2023 թվականի ապրիլի 23-ի որոշմամբ թիվ 58218118 քրեական վարույթից անջարկել է Ֆարիս Զալալի Ալ-Մաշրայի կողմից ՀՀ նախկին քրեական օրենսգրքի 178-րդ հոդվածի 3-րդ մասի 1-ին կետով և 325-րդ հոդվածի 2-րդ մասով նախատեսված առերևույթ հանցանքներ կատարելու վերաբերյալ վարույթը:

2023 թվականի հուլիսի 20-ին մեղադրյալ Ֆարիս Զալալի Ալ-Մաշրայի նկատմամբ քրեական հետապնդում է հարուցվել ՀՀ նախկին քրեական օրենսգրքի 178-րդ հոդվածի 3-րդ մասի 1-ին կետով և 325-րդ հոդվածի 2-րդ մասով (...):

(...)

2023 թվականի օգոստոսի 9-ին Կարեն Խաչատրյանի վերաբերյալ քրեական գործն ուղարկվել է ՀՀ Հակակոռուպցիոն դատարան, իսկ 2025 թվականի մայիսի 14-ին Ֆարիս Զալալի Ալ-Մաշրայի վերաբերյալ քրեական գործը ուղարկվել է Երևան քաղաքի առաջին աստիճանի ընդհանուր իրավասության քրեական դատարան:

Վերոհիշյալ փաստերի հիման վրա Դատարանն արձանագրում է, որ եթե Ֆարիս Զալալի Ալ-Մաշրայի մասով քրեական վարույթը չանջարկվեր հիմնական քրեական վարույթից, ապա նրա մեղադրանքի քննությունը, ՀՀ քրեական դատավարության օրենսգրքի 262-րդ հոդվածի 2-րդ մասի համաձայն, ընդդարյա կլիներ հենց Հակակոռուպցիոն դատարանին, ուստի քրեադատավարական օրենքի տրամաբանությունից էլ ողջամրորեն ենթադրելի է, որ նույն ենթադրյալ հանցանքի վերաբերյալ խմբի անդամների մեղադրանքները միաժամանակ և ընդհանուր իրավասության, և մասնագիտացված դատարաններին ընդդարյա լինել չեն կարող:

Վերոգրյալի հիման վրա և հաշվի առնելով այն հանգամանքը, որ թիվ ԵՊ/1691/01/25 քրեական գործով պարզվեց, որ սույն գործն ընդդարյա է ՀՀ հակակոռուպցիոն դատարանին, գրնում եմ, որ նշված քրեական գործը պետք է ըստ ընդդարյաության ուղարկել ՀՀ հակակոռուպցիոն դատարան (...):»²:

7. Հակակոռուպցիոն դատարանի՝ 2025 թվականի հոկտեմբերի 15-ի որոշման համաձայն՝ «(...) Դատարանը, ուսումնասիրելով քրեական գործի նյութերը, գրնում է, որ թիվ ՀԿԴ/0277/01/25 քրեական գործն ընդդարյա չէ Հակակոռուպցիոն դատարանին և այն ՀՀ քրեական դատավարության օրենսգրքի 263-րդ հոդվածով

² Տե՛ս քրեական վարույթ, հատոր 62, թերթեր 72-80:

սահմանված կարգով անհրաժեշտ է ուղարկել ՀՀ վճարելի դատարանի նախագահին՝ ընդդատության մասին վեճը լուծելու համար:

(...)

Դատարանն արձանագրում է, որ մեղադրյալ Ֆարիս Զալելի Ալ-Մաշտային վերագրվող՝ 2003 թվականի ապրիլի 18-ի ՀՀ քրեական օրենսգրքի 325-րդ հոդվածի 2-րդ մասով (համապատասխանում է 2021 թվականի մայիսի 5-ի ՀՀ քրեական օրենսգրքի 457-րդ հոդվածի 2-րդ մասին) վարույթը ՀՀ հակակոռուպցիոն դատարանին ընդդատյալ չէ: Ինչ վերաբերում է 2003 թվականի ապրիլի 18-ի ՀՀ քրեական օրենսգրքի 178-րդ հոդվածի 3-րդ մասի 1-ին կետով (համապատասխանում է 2021 թվականի մայիսի 5-ի ՀՀ քրեական օրենսգրքի 255-րդ հոդվածի 3-րդ մասի 3-րդ կետին), ապա նշված հանցանքով վարույթները ՀՀ հակակոռուպցիոն դատարանին ընդդատյալ են բացառապես այն դեպքերում, երբ հանցանքի օբյեկտիվ կողմը կազմող արարքը կատարվել է պաշտոնական դիրքը (իշխանական կամ ծառայողական լիազորությունները կամ դրանցով պայմանավորված ազդեցությունը) օգտագործելով:

Վերոշարադրյալի համարեքստում Դատարանն արձանագրում է, որ 2003 թվականի ապրիլի 18-ի ՀՀ քրեական օրենսգրքի 178-րդ հոդվածի 3-րդ մասի 1-ին կետով (համապատասխանում է 2021 թվականի մայիսի 5-ի ՀՀ քրեական օրենսգրքի 255-րդ հոդվածի 3-րդ մասի 3-րդ կետին) ընթացող վարույթի առարկայական ընդդատության հարցը որոշելիս էական նշանակություն ունի անձի նկատմամբ հանրային քրեական հետապնդում հարուցելու մասին որոշման փաստական նկարագրությունը, քանի որ այն իր մեջ պետք է ներառի և դրանում պետք է նկարագրվեն մեղսագրվող արարքի բոլոր հարկանիշները, հանցակազմի տարրերը, այն որակյալ դարձնող յուրաքանչյուր հանգամանքը: Ընդ որում, քննությունն իրականացնող դատարանն իրավասու չէ քրեական գործի ընդդատության հարցը որոշելիս դուրս գալ մեղադրյալի նկատմամբ հարուցված հանրային քրեական հետապնդման փաստական նկարագրության սահմաններից, և վերջինիս վերագրել իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով հանցանքի կատարում (նման հանցանքի հանցակցություն) այն դեպքում, երբ վերջինիս ներկայացված

մեղադրանքում նման ձևակերպում առկա չէ, քանի որ դատարանն անխուսափելիորեն դուրս կգա մեղադրյալի նկատմամբ հարուցված հանրային քրեական հետապնդման սահմաններից:

(...) Դատարանն արձանագրում է, որ Երևան քաղաքի առաջին ատյանի ընդհանուր իրավասության դատարանն իր վարույթում գտնվող թիվ ԵՂ1/1691/01/25 քրեական գործն առարկայական ընդդատությամբ ՀՀ հակակոռուպցիոն դատարան փոխանցելու անհրաժեշտությունը պայմանավորել է նրանով, որ թիվ 58218118 քրեական վարույթով, որից անջարվել է մեղադրյալ Ֆարիս Զալեյի Ալ-Մաշրայի վերաբերյալ վարույթը, քննության առարկա է հանդիսացել ՀՀ քրեական օրենսգրքի հավելվածով սահմանված կոռուպցիոն հանցագործություն, և մեղադրյալի վերաբերյալ վարույթը թիվ 58218118 քրեական վարույթից չանջարելու պարագայում վերջինիս գործը քննելու էր ՀՀ հակակոռուպցիոն դատարանը:

Վերոշարադրյալի համադրությամբ Դատարանն նախևառաջ արձանագրում է, որ թիվ 58218118 քրեական վարույթից մեղադրյալներ Կ.Խ-ի ու Ն.Ս-ի վերաբերյալ վարույթն անջարվել է առանձին՝ թիվ 69122723 քրեական վարույթով, և գործն ուղարկվել է ՀՀ հակակոռուպցիոն դատարան՝ ըստ էության քննության՝ քրեական վարույթով անցնող այլ մեղադրյալների, այդ թվում՝ Ֆարիս Զալեյի Ալ-Մաշրայի՝ քննությունից թաքնվելու հերևանքով: Այսինքն՝ Ֆարիս Զալեյի Ալ-Մաշրայի վերաբերյալ վարույթը ՀՀ հակակոռուպցիոն դատարանում իսկզբանե չի քննվել՝ վերջինիս ոչ պարզաճ վարքագծի արդյունքում: Միևնույն ժամանակ Դատարանն արձանագրում է, քրեական վարույթից մաս անջարելու վերաբերյալ վարույթն իրականացնող մարմնի որոշման իրավաչափության գնահատումը դուրս է քրեական գործի ընդդատությունը որոշելու հարցի տիրույթից, և հակառակի մասին վկայող դատավարական ակտի բացակայության պարագայում ՀՀ քրեական դատավարության օրենսգրքի 10-րդ հոդվածի կարգով վարույթից մասի անջարումը պետք է դիտարկել իրավաչափ:

Դատարանն արձանագրում է, որ 2003 թվականի ապրիլի 18-ի ՀՀ քրեական օրենսգրքի 178-րդ հոդվածի 3-րդ մասի 1-ին կետով (...) նախատեսված հանցանքը կարող է դիտարկվել որպես պաշտոնական դիրքը (իշխանական կամ ծառայողական լիազորությունները կամ դրանցով պայմանավորված ազդեցությունը)

օգտագործելով կատարված այն դեպքում, երբ հանցանքը դրսևորվել է ծառայողական ենթակայության տակ չգրանցվող անձանց նկատմամբ սահմանված կարգով կարգադրիչ լիազորությունները կամ ծառայողական լիազորությունները կամ ծառայողական դիրքից բխող հեղինակությունն օգտագործելու եղանակով: Այս առումով Դատարանը փաստում է, որ ինչպես Ֆարիս Զալեյի Ալ-Մաշրայի, այնպես էլ թիվ 58218118 քրեական վարույթով մյուս մեղադրյալներ Յ.Դ-ի, Վ.Վ-ի և Վ.Բ-ի նկատմամբ հանրային քրեական հետապնդում հարուցելու որոշումների փաստական հիմքում առկա չէ վերջիններիս վերագրվող ենթադրյալ հանցանքները կոռուպցիոն բնույթի դարձնող՝ վերոշարադրյալ չափանիշին համապատասխանող ձևակերպում: Այսինքն՝ Ֆարիս Զալեյի Ալ-Մաշրայի վերաբերյալ դրվագով թիվ 58218118 քրեական վարույթից թիվ 69117925 քրեական վարույթն անջատելու և այն հաստատված մեղադրական եզրակացությամբ Երևան քաղաքի առաջին ատյանի ընդհանուր իրավասության քրեական դատարանն ուղարկելու պահի դրությամբ կոռուպցիոն որևէ հանցանք թիվ 58218118 քրեական վարույթի առարկան չի կազմել:

Վերոշարադրյալի համարեքստում անդրադառնալով Երևան քաղաքի առաջին ատյանի ընդհանուր իրավասության դատարանի նկատառմանն առ այն, որ Ֆարիս Զալեյի Ալ-Մաշրայի վերաբերյալ քրեական վարույթը հիմնական վարույթից չանջատվելու դեպքում վերջինիս մեղադրանքի քննությունն ընդդարյա կլինել ՀՀ հակակոռուպցիոն դատարանին՝ Դատարանը վերաբին արձանագրում է, որ սկզբնական՝ թիվ 58218118 քրեական վարույթից անջատվել է ոչ թե Ֆարիս Զալեյի Ալ-Մաշրայի, այլ Կ.Խ-ի և Ն.Ս-ի վերաբերյալ վարույթը: Միևնույն ժամանակ Դատարանն արձանագրում է, որ ՀՀ քրեական դատավարության օրենսգիրքը, սահմանելով քրեական վարույթները միացնելու և անջատելու հիմքերն ու կարգը, դրանք չի տարանջատում որպես «հիմնական» և «ածանցյալ» վարույթներ, և ՀՀ քրեական դատավարության օրենսգրքի 260-րդ հոդվածով սահմանված կարգով ՀՀ հակակոռուպցիոն դատարանին կարող են ընդդարյա լինել բացառապես ՀՀ քրեական օրենսգրքի հավելված 1-ով նախատեսված կոռուպցիոն հանցանքների վերաբերյալ վարույթը (այնպիսի վարույթը, որով քննության առարկա է հանդիսանում կոռուպցիոն հանցանք): Այլ կերպ՝ անջատված վարույթով քննության առարկա է հանդիսանում ՀՀ քրեական օրենսգրքի հարույկ մասով նախատեսված

կոնկրետ արարք, և ԿՎԿՄ արարքը սահմանող հանցանքով վարույթի ընդդարձությունը ենթակա է որոշման ՀՀ քրեական դատավարության օրենսգրքի՝ քննչական ենթակայությունը (հոդված 181) և դատական վարույթների առարկայական ենթակայությունը (հոդված 260) կանոնակարգող նորմերի պահպանմամբ: Դատարանի գնահատմամբ, հակառակ մեկնաբանությունը հնարավորություն կտա արհեստականորեն շրջանցել ՀՀ քրեական դատավարության օրենսգրքով սահմանված ընդդարձության իմպերատիվ կարգավորումները, ինչը վերջնարդյունքում կարող է հանգեցնել անձի դատական պաշտպանության՝ ՀՀ Սահմանադրությամբ և ՀՀ մասնակցությամբ միջազգային պայմանագրերով երաշխավորված իրավունքի (իր գործն այն դատարանում քննվելու իրավունք, որի ընդդարձությանը այն վերապահված է օրենքով) խաթարմանը: Այս առումով Դատարանը հարկ է համարում արձանագրել, որ նման տրամաբանությամբ կարող է սրելով իրավիճակ, երբ ՀՀ հակակոռուպցիոն դատարանը քննի, օրինակ, սպանության, խուլիգանության, առևանգման և նման ակնհայտ ոչ կոռուպցիոն հանցանքներով վարույթներ՝ բացառապես պայմանավորված նրանով, որ ենթադրյալ հանցանքները բացահայտվել և վարույթն անջարկվել է ՀՀ քրեական օրենսգրքի՝ կոռուպցիոն հանցանքների ցանկը սահմանող որևէ հանցանք պարունակող վարույթից:

(...) Դատարանը հարկ է համարում արձանագրել, որ ՀՀ վճռաբեկ դատարանը, թիվ ԳԴ/0007/15/23 վարույթով կայացված որոշմամբ քննության առարկա դարձնելով առարկայական ընդդարձության հարցը, իր անհամաձայնությունն է հայտնել Գեղարքունիքի մարզի առաջին աստիճանի ընդհանուր իրավասության դատարանի դիրքորոշմանն առ այն, որ քրեական վարույթը (քրեական գործը) կոռուպցիոն ենթադրյալ հանցանքի մասին վկայող փաստերի հիման վրա հարուցված լինելու հանգամանքն ինքնին բավարար է փաստելու համար, որ վարույթն ընդդարձյալ է ՀՀ հակակոռուպցիոն դատարանին: Մասնավորապես, ՀՀ վճռաբեկ դատարանն արձանագրել է, որ թեև քրեական վարույթն իսկզբանե նախաձեռնվել է ՀՀ քրեական օրենսգրքի՝ կոռուպցիոն հանցանք սահմանող հոդվածով (308-րդ հոդվածի 1-ին մաս), սակայն ԿՎԿՄ հոդվածով մեղադրյալի նկատմամբ հարուցված հանրային քրեական հետապնդումը դադարեցվել է, իսկ քննությունն ընթացել է ոչ կոռուպցիոն (315-րդ

հողվածի 2-րդ մասով) սահմանված հանցանքով: Տվյալ պայմաններում ՀՀ վճռաբեկ դատարանը հանգել է հետևության, որ վարույթն առարկայական ընդդատությամբ ենթակա է ընդհանուր իրավասության դատարանին, քանի որ փաստացի առկա է եղել կոռուպցիոն հողվածով հանրային քրեական հետապնդումը դադարեցնելու մասին որոշում՝ արձանագրելով, որ «հսկող դատախազի հիշյալ որոշումը կայացվելուց հետո (...) քրեական գործի հետագա նախաքննության սահմանները չեն ներառել (...) պաշտոնատար անձի կողմից պաշտոնական լիազորությունները չարաշահելով համայնքային գույքին վնաս պատճառելու ենթադրյալ դեպքի քննությունը: Հետևաբար, (...) քրեական գործով նախաքննությունը չի կատարվել ՀՀ գործող քրեական օրենսգրքի հավելված 1-ով նախատեսված կոռուպցիոն հանցանքների վերաբերյալ վարույթով: Նման պայմաններում (...) քրեական գործի՝ ենթադրյալ կոռուպցիոն հանցանքի փաստի առթիվ հարուցված լինելու հանգամանքը, առարկայական ընդդատության հարցի լուծման տեսանկյունից, օբյեկտիվորեն չի կարող քրեադատավարական որոշիչ նշանակություն ունեցող գործոն դիտարկվել» (...): Այսինքն՝ ՀՀ վճռաբեկ դատարանն առանցքային է համարել տվյալ պահի դրությամբ քրեական վարույթի քննության առարկա հանդիսացող ենթադրյալ հանցանքի քննությամբ:

ՀՀ վճռաբեկ դատարանի՝ թիվ ԳԴ/0007/15/23 վարույթով արտահայտված վերոշարադրյալ իրավական դիրքորոշումն առ այն, որ քրեական գործի՝ ենթադրյալ կոռուպցիոն հանցանքի փաստի առթիվ հարուցված լինելու հանգամանքը, առարկայական ընդդատության հարցի լուծման տեսանկյունից, օբյեկտիվորեն չի կարող քրեադատավարական որոշիչ նշանակություն ունեցող գործոն դիտարկվել, կիրառելի է նաև Ֆարիս Զալելի Ալ-Մաշուայի վերաբերյալ քննվող թիվ ԵԴ1/1691/01/25 (ՀԿԴ/0277/01/25) քրեական գործի առարկայական ընդդատությունը որոշելիս:

Այսպես, Երևան քաղաքի առաջին աստիճանի ընդհանուր իրավասության քրեական դատարանն իր վարույթում գտնվող թիվ ԵԴ1/1691/01/25 քրեական գործն առարկայական ընդդատությամբ ՀՀ հակակոռուպցիոն դատարանին ընդդատյալ լինելու դիրքորոշումը պայմանավորել է նրանով, որ Ֆարիս Զալելի Ալ-Մաշուայի վերաբերյալ վարույթն անջարկվել է կոռուպցիոն վարույթից, այնինչ ՀՀ վճռաբեկ դատարանի վերը վկայակոչված որոշմամբ արտահայտված իրավական

դիրքորոշման տրամաբանությամբ վարույթի առարկայական ընդդատության հարցը չի կարող կանխորոշվել այն հանգամանքով, որ վարույթով, որից անջարկվել է քննության առարկա վարույթը, ինչ-որ ժամանակահատվածում քննության առարկա է հանդիսացել նաև ենթադրյալ կոռուպցիոն հանցանք:

Ի հիմնավորումն Ֆարիս Ջալելի Ալ-Մաշրայի վերաբերյալ վարույթով քննության առարկա հանդիսացող ենթադրյալ հանցանքի՝ ՀՀ հակակոռուպցիոն դատարանին ընդդատյալ չլինելու փաստի՝ Դատարանը հարկ է համարում արձանագրել, որ քրեական գործի նյութերում առկա չէ ՀՀ գլխավոր դատախազի որոշում՝ թիվ 69117925 քրեական վարույթով նախաքննությունը ՀՀ քրեական դատավարության օրենսգրքի 181-րդ հոդվածի 8-րդ մասով սահմանված հիմքով ՀՀ քննչական կոմիտեին հանձնարարելու վերաբերյալ, մինչդեռ նախաքննությունը Կազմվել է ՀՀ քննչական կոմիտեի հարկապես կարևոր գործերի քննության գլխավոր վարչության սեփականության դեմ ուղղված հանցագործությունների քննության վարչության կողմից:

(...) Դատարանը, հաշվի առնելով քրեական գործով քննության առարկա հանդիսացող ենթադրյալ հանցանքի բնույթը և մինչդատական վարույթում մեղադրյալին մեղսագրված արարքի քրեաիրավական որակումը, գտնում է, որ թիվ ՀԿԴ/0277/01/25 (ԵԴ/1691/01/25) քրեական գործն ընդդատյալ չէ ՀՀ հակակոռուպցիոն դատարանին՝ հաշվի առնելով, որ այն չի հանդիսանում ՀՀ քրեական օրենսգրքի հավելված N 1-ով նախատեսված կոռուպցիոն հանցանքի վերաբերյալ վարույթ, ուստի անհրաժեշտ է թիվ ՀԿԴ/0277/01/25 քրեական գործն ուղարկել ՀՀ վճարել դատարանի նախագահին՝ ընդդատության վերաբերյալ վեճը լուծելու համար (...)»³:

8. 2023 թվականի օգոստոսի 11-ին Հակակոռուպցիոն դատարանը որոշում է կայացրել Կ.Խ.Խ-ի վերաբերյալ՝ 3 (երեք) դրվագ ՀՀ քրեական օրենսգրքի 178-րդ հոդվածի 3-րդ մասի 1-ին կետով, 190-րդ հոդվածի 3-րդ մասի 1-ին կետով, 214-րդ հոդվածի 2-րդ մասով, 3 (երեք) դրվագ 325-րդ հոդվածի 2-րդ մասով և Ն.Ա.Ս-ի վերաբերյալ՝ ՀՀ քրեական օրենսգրքի 178-րդ հոդվածի 3-րդ մասի 1-ին կետով, 325-

³ Տե՛ս քրեական վարույթ, հատոր 63, թերթեր 15-20:

րդ հոդվածի 2-րդ մասով թիվ ՀԿԴ/0165/01/23 քրեական վարույթը ստանձնելու և նախնական դատալսումներ նշանակելու մասին⁴:

Սույն որոշման հիմնավորումները և եզրահանգումը.

9. Սույն վարույթով բարձրացված իրավական հարցը հետևյալն է. հիմնավոր է արդյոք Հակակոռուպցիոն դատարանի հետևությունն այն մասին, որ թիվ ԵԴ1/1691/01/25 (ՀԿԴ/0277/01/25) քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին:

10. ՀՀ Սահմանադրության 63-րդ հոդվածի 1-ին մասի համաձայն՝ *«Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:*

11. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ *«Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:*

11.1. Մարդու իրավունքների եվրոպական դատարանը, *«օրենքի հիման վրա սրեղծված դատարան»* հասկացությունը մեկնաբանելիս նշել է. *«Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասխան ազգային օրենսդրությունը մեկնաբանելու որոշակի ազատությամբ»⁵:*

Միննույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ. *«Ներպետական դատական արյանները դատավարական կանոնները կիրառելիս պետք է ձեռնպահ*

⁴ Տե՛ս www.datalex.am Դատական տեղեկատվական համակարգ, թիվ ՀԿԴ/0165/01/23 քրեական վարույթը:

⁵ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁶:

12. Վճռաբեկ դատարանն անձի՝ օրենքի հիման վրա ստեղծված դատարանի կողմից իր գործի քննության իրավունքի հիմնարար նշանակության վերաբերյալ իրավական դիրքորոշում է ձևավորել *Գևորգ Հարությունյանի* որոշմամբ⁷:

13. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ «*Մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարաններին (այսուհետք՝ առաջին արյանի ընդհանուր իրավասության դատարան) ընդդարյա են առաջին արյանի կարգով իրականացվող բոլոր վարույթները, ինչպես նաև դատական երաշխիքների բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ, այդ թվում՝ դատական երաշխիքների վարույթների, որոնք ընդդարյա են հակակոռուպցիոն դատարանին*»:

ՀՀ քրեական դատավարության օրենսգրքի 263-րդ հոդվածի համաձայն՝ «1. Նախնական դատախոսների ընթացքում պարզելով, որ տվյալ վարույթն ընդդարյա չէ իրեն, դատարանն այն որոշմամբ անհապաղ փոխանցում է ըստ ընդդարյության:

(...)

5. Վարույթն ըստ ընդդարյության սրացած հակակոռուպցիոն կամ առաջին արյանի ընդհանուր իրավասության դատարանը մինչև նախնական դատախոսներ նշանակելը եռօրյա ժամկետում որոշում է կայացնում վարույթը Վճռաբեկ դատարան ուղարկելու մասին, եթե համաձայն չէ դրա առարկայական ընդդարյությանը:

(...)

8. Սույն հոդվածի 5-րդ մասով նախատեսված դեպքում Վճռաբեկ դատարանի նախագահը, Վճռաբեկ դատարանի քրեական և հակակոռուպցիոն պալատների նախագահները վարույթը Վճռաբեկ դատարանում սրանալու պահից տասնօրյա

⁶ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

⁷ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

ժամկետում վերջնականապես լուծում են վարույթի առարկայական ընդդատության հարցը՝ ընդհանուր թվի ձայների մեծամասնությամբ ընդունված որոշմամբ: Զվեարկելիս ձեռնպահ մնալ չի թույլատրվում:

9. Սույն հոդվածով սահմանված կարգով որոշված դատարանը համարվում է իրավասու դատարան»:

14. Սույն վարույթի նյութերի ուսումնասիրությունից երևում է, որ՝

- Երևան քաղաքի առաջին ատյանի ընդհանուր իրավասության քրեական դատարանը, փաստելով, որ քրեական վարույթից մեղադրյալ Ֆարիս Զալելի Ալ-Մաշտայի վերաբերյալ մասն անջատված չլինելու դեպքում վերջինիս մեղադրանքի քննությունը, ՀՀ քրեական դատավարության օրենսգրքի 262-րդ հոդվածի 2-րդ մասի համաձայն, ընդդատյա կլինել Հակակոռուպցիոն դատարանին, որոշում է կայացրել թիվ ԵԴ1/1691/01/25 (ՀԿԴ/0277/01/25) քրեական վարույթը Հակակոռուպցիոն դատարան ուղարկելու մասին⁸:

- Հակակոռուպցիոն դատարանը, արձանագրելով, որ Ֆարիս Զալելի Ալ-Մաշտային ներկայացված մեղադրանքի համաձայն՝ վերջինիս կողմից ենթադրյալ հանցանքը չի կատարվել «պաշտոնեական դիրքը» կամ «իշխանական կամ ծառայողական լիազորությունները կամ դրանցով պայմանավորված ազդեցությունը» օգտագործելով, գտել է, որ սույն քրեական վարույթն ընդդատյա չէ Հակակոռուպցիոն դատարանին⁹:

15. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ Ֆարիս Զալելի Ալ-Մաշտային ներկայացված մեղադրանքի բովանդակությունից հետևում է, որ վերջինիս վերագրվում է Կ.Խ-ի և Վ.Վ-ի հետ, նախնական համաձայնությամբ, իրավունք վերապահող պաշտոնական փաստաթղթեր կեղծելով և դրանք օգտագործելով խարդախությամբ առանձնապես խոշոր չափերով գույքի ենթադրյալ հափշտակության կատարում: Վերոշարադրյալը հիմք է տալիս փաստելու, որ Ֆարիս Զալելի Ալ-Մաշտային վերագրվում է Հակակոռուպցիոն դատարանում քննվող թիվ

⁸ Տե՛ս սույն որոշման 6-րդ կետը:

⁹ Տե՛ս սույն որոշման 7-րդ կետը:

ՀԿԴ/0165/01/23 քրեական վարույթով¹⁰ մեղադրյալ Կ.Խ-ի հետ նախնական համաձայնությամբ միևնույն ենթադրյալ հանցանքի կատարում:

Նման պայմաններում, հաշվի առնելով, որ Ֆարիս Ջալելի Ալ-Մաշտային վերագրվում է մեկից ավելի անձանց կողմից նույն ենթադրյալ հանցանքի կատարում, պետք է փաստել, որ ԵԴ1/1691/01/25 (ՀԿԴ/0277/01/25) և ՀԿԴ/0165/01/23 քրեական վարույթներն միմյանցից անջատ քննելու պարագայում, չի բացառվում, որ նույն փաստական հանգամանքներով կայացվեն երկու՝ իրար հակասող եզրափակիչ դատական ակտեր, ինչն էլ իր հերթին կհանգեցնի անորոշության, ինչպես նաև կարող է իր ազդեցությունն ունենալ դատավարության արդարացիության՝ վարույթի պատշաճ և համակողմանի քննության վրա: Հետևաբար, հաշվի առնելով արդարադատության շահը, այդ թվում՝ վարույթի պատշաճ և համակողմանի քննությունն ապահովելու անհրաժեշտությունը, գտնում ենք, որ սույն քրեական վարույթն ընդդատյա է Հակակոռուպցիոն դատարանին:

16. Վերոգրյալի հետ մեկտեղ, հարկ է նշել, որ Վճռաբեկ դատարանի՝ 2025 թվականի հոկտեմբերի 10-ի թիվ ԳԴ/0007/15/23 որոշմամբ արտահայտված իրավական դիրքորոշումները սույն դեպքում վերաբերելի և կիրառելի չեն, քանի որ նշված վարույթով նախաքննության ընթացքում փաստացի արձանագրվել էր ենթադրյալ կոռուպցիոն հանցանքի բացակայությունը:

17. Վերոշարադրյալը հիմք է տալիս փաստելու, որ Հակակոռուպցիոն դատարանի հետևությունն այն մասին, որ թիվ ԵԴ1/1691/01/25 (ՀԿԴ/0277/01/25) քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին, հիմնավոր չէ:

18. Հետևաբար, գտնում ենք, որ թիվ ԵԴ1/1691/01/25 (ՀԿԴ/0277/01/25) քրեական վարույթն ընդդատյա է Հակակոռուպցիոն դատարանին:

Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով՝

Ո Ր Ո Շ Ե Ց Ի Ն Ք

¹⁰ Տե՛ս սույն որոշման 8-րդ կետը:

Ֆարիս Զալելի Ալ-Մաշտայի վերաբերյալ՝ 2003 թվականի ապրիլի 18-ին ընդունված ՀՀ քրեական օրենսգրքի 178-րդ հոդվածի 3-րդ մասի 1-ին կետով և 325-րդ հոդվածի 2-րդ մասով թիվ ԵԴՆ/1691/01/25 (ՀԿԴ/0277/01/25) քրեական վարույթն ընդդատյա է Հակակոռուպցիոն դատարանին:

**ՀՀ ՎՃՌԱԲԵԿ
ԴԱՏԱՐԱՆԻ ՆԱԽԱԳԱՀ
ԼԻԼԻԹ ԹԱԴԵՎՈՍՅԱՆ**

**ՀՀ ՎՃՌԱԲԵԿ
ԴԱՏԱՐԱՆԻ ՔՐԵԱԿԱՆ
ՊԱԼԱՏԻ ՆԱԽԱԳԱՀ
ՀԱՄԼԵՏ ԱՍԱՏՐՅԱՆ**

**ՀՀ ՎՃՌԱԲԵԿ ԴԱՏԱՐԱՆԻ
ՀԱԿԱԿՈՐՈՒՊՑԻՈՆ
ՊԱԼԱՏԻ ՆԱԽԱԳԱՀ
ԱՐԹՈՒՐ ԴԱՎԹՅԱՆ**